

Գրեցաւ յամի 1128 կամ 1679 յաւուր 23դում Նոյեմբերի ի Կ. Պոլիս առ Գրանն Ս. Աստուածածնի» (26) :

ԿՆԻՔ

Այս նամակին վերեւ գրուած է. «Առ ձեռս Առաքելի Վ.ի, Հոռմ կամ այլուր ուր ալ գտնուի» :

Լատիներէն թարգմանութեան ստորեւ գրուած է. «Այս է թարգմանութիւնը այն նամակին, զոր գրեց Յակոբ Հայոց Կաթողիկոսը, որ կը կոչուի Պատրիարք Մեծ Հայքի, առ Առաքել Արքեպիսկոպոս Նախիջևանի : Չայն թարգմանեցի ես, Բարսեղ Բարսեղեան, այսօր 4 Մարտ 1680ին, Հոռմի մէջ, հրամանով Հաւատոյ Տարածման Սրբազան Ժողովի Քարտուղարին, Գեր. Գերապայծառ Տեառն Չիպոյի» :

Յակոբ Կաթողիկոսին Կ. Պոլիս հասնելէն ամիսներ առաջ, արդէն Ս. Աթոռն իմացած էր՝ թէ ան մտադիր է Հոռմ այցելել : Եւ Հաւատոյ Տարածման Սրբազան Ժողովը մասնաւոր նիստ գումարած էր 24 Ապրիլ 1679ին, մասնակցութեամբ Պարտլերինի, Գարաֆֆա եւ ուրիշ Կարդինալներու, քննելու համար ինչ որ հարկաւոր է ընել ըստ արժանւոյն ընդունելու նպատակաւ «Հայոց Պատրիարքը իր արքեպիսկոպոսներով եւ ե-

(26) Archivio Vaticano. Carpagna 55. fol. 366-367, 399-400. Archivio S.C.P.F. Collettanea Diversarum Provinciarum Regnorum ac Nationum, vol. 16, fol. 35-36.